

Танъгъчин колхозмудар болн совхоз-мудар малин хот болн мал үвлзүүлгънд белдвриг нег сарин эргцд дуусхин тускар

КПСС-н Хальмг танъгъчин комитетин бюрон 1957 джилин июлин 15-д гаргъсн тогтавр

Цаглань болн саянәр олна мал үвлзүүлгънд кергтә белдвр келгънә торт оньчта ик чинр өгч КПСС-н танъгъчин комитетин бюро тогтаджана:

1. Танъгъчин колхозмудар болн совхозмудар эн джилин июлин 15-с авн августин 15 күртл, олна мал үвлзүүлгънд белдврин сар гидж кехмн.

2. Малд хот белдлгънә болн олна мал үвлзүүлгънә белдврин кәдлмшиг төгсгхин тәлә, цуг колхозникудиг, МТС-н болн совхозмудин кәдлмшчнриг агстн гидж партин балгъсна болн райодин комитетст, балгъсна болн райодин күцәгч комитетст, танъгъчин селәнә эдл-ахун болн совхозмудин управленьст, эклц партин организацст, селәна, поселксин Советмүдт, ВЛКСМ-н райодин комитетст даалгъхмн.

Энүнә тәлә:

а) Өвс хаддг машиндиг цугтнь олзлад, өвс хадлгъ улм чанъгъахмн, хадлгън болн хуралгън хойран хоорнд гар-

гъсн таслвриг арви хонгин эргцд уурулад, скирдс тәвхмн. Эн цагин эргцд солом бас хурадж дуусхмн;

б) Өвс шахлгъ (прессование) болн мал үвлзх газрт малин хот зөблгъ бүрдәхмн. Дакад силос булх кәдлмшиг улм чанъгъахмн;

в) малин хаша-хаац болн хөбчнр, мальчнр баях гермүд, үвлдән хө хургълулх кошармуд болн дулан хашас бәрлгъиг болн яслгъиг чанъгъахмн.

Тосхлгъна бригадмуд бүрдәгъяд, Хар газрур илгәхмн. Цаг тәдәлго хөбнә көг тәвлгънә пунктс белдхмн, тедниг гардх медрлтә улсар тетгхмн.

3. Колхозмудин болн совхозмудин мал үвлзүүлгънд кергтә белдврин кәдлмшин йовудин тускар элвгәр барлджатха гидж танъгъчин болн райодин газетсин редакцд даалгъхмн.

Н. ЖЕЗЛОВ.

КПСС-н танъгъчин комитетин сегләтр.